



“Gërmia Ultra Trail”

51km D+ 2460m

27km D+ 1410m

RREGULLORE

PËR PJESËMARRJE NË VRAPIMIN MALOR “GËRMIA ULTRA TRAIL”

PËRMBAJTJA

1.	ORGANIZIMI	3
2.	INFORMATA TË PËRGJITHSHME	3
3.	INFORMACION PËR PJESËMARRËSIT	3
4.	DEKLARATA E PËRGJEGJËSISË	4
5.	PAVARËSIA GJATË VRAPIMIT	4
6.	SIGURIA DHE NDIHMA MJEKËSORE.....	4
7.	ZBATIMI	5
8.	PAJISJET OBLIGUESE DHE TË REKOMANDUARA	6
9.	ÇANTË ME RROBA TË THATA - DROP BAG.....	6
10.	STACIONET E KONTROLLIT DHE FURNIZIMIT	6
11.	AFATET KOHORE	7
12.	SHENJËZIMET NË SHTEG	7
13.	FOTOGRAFITË GJATË NGJARJES.....	8
14.	PËRGJEGJËSIA MJEDISORE	8
15.	PËRJASHTIMI	9
16.	TË DREJTAT E ORGANIZATORIT	9



1. ORGANIZIMI

“Gërmia Ultra Trail” është garë e vrapimit malor në distancë ultra-maratonike, organizohet nga klubi sportiv “Kosova Trail Running Asociaion (KTRA)”.

KTRA qysh nga themelimi është anëtare e ITRA- International Trail Running Association. Kjo garë ndërkombëtare është e mbështetur nga Institucionet e Republikës së Kosovës, komuniteti i biznesit, sport-dashësit dhe organizata të ndryshme që veprojnë në vend.

Ky vrapim njëherit shënon garën e parë ndërkombëtare të këtij lloji të organizuar në Kosovë dhe synon që Kosovën ta vendos në hartën turistike.

Sponsorizimin e ngjarjes përveç akterëve zyrtar do e mbështesin edhe kompani të ndryshme vendore si dhe individ vullnetar.

2. INFORMATA TË PËRGJITHSHME

Gërmia është park regjional që shtrihet në veri-lindje të Prishtinës me një sipërfaqe prej 62 kilometrave. Pika më e lartë është maja e Butovcit me 1050 metra lartësi mbi detare, ndërsa pika më e ulët është 663 metra. Përshkak të shtrirjes së saj gjeografike dhe kushteve klimatike Parku i Gërmisë ka një faunë të pasur me 63 specije të kafshëve dhe të rreth 600 specie të florës.

Gërmia Ultra Trail është ngjarje një ditore sportive e garës së vrapimit malor, që përfshin dy distanca prej:

- 51km / 2,460m dhe
- 27km / 1410m

Gara do të zhvillohet afër kryeqytetit të Kosovës, Prishtinës në Parkun e Gërmisë. Zona e Gërmisë me bukuritë dhe vlerat natyrore konsiderohet si thesari i Prishtinës dhe Kosovës.

Në mënyrë që të mbaheni të përditësuar me informacion për garën pjesëmarrësit duhet të informohen përmes emailit zyrtar të KTRA-së: kosova.trailrunners@gmail.com, web: www.germiaultratrail.com apo facebook: @germiaultratrail

Nga të gjithë pjesëmarrësit kërkohet respektim i kohës së nisjes si dhe të jenë në vendin e nisjes së paku 1 orë para fillimit të garës.

3. INFORMACION PËR PJESËMARRËSIT

- Gara është e hapur për meshkuj dhe femra mbi 18 vjeç;
- Pjesëmarrja në garë është në përgjegjësi personale dhe organizatori nuk merr asnjë përgjegjësi në rast të lëndimit, aksidentit ose vdekjes;
- Çdo pjesëmarrës mban përgjegjësi personale për veprimet e tyre në dhe përreth shtegut, veçanërisht në rast të shkeljes së ligjeve të Republikës së Kosovës.
- Pjesëmarrësit duhet të jenë plotësisht të vetëdijshëm për gjatësinë dhe specifikimin e garës dhe të jenë krejtësisht të gatshëm për atë;
- Pjesëmarrësit duhet kenë fituar përgaditje të duhur fizike dhe psikike si dhe aftësi për mbijetesë



në kushtet malore, që kanë të bëjnë me ndryshimet në mikroklimë (nxehësi, shi, mjegull, frymë, natë, temperaturë të ulët);

- Të jenë në gjendje të përballojnë izolimin, problemet fizike dhe mendore, problemet e tretjes, dhimbjet në sistemin lokomotor;
- Të jenë plotësisht të vetëdijshëm se nuk është detyrë e organizatorit të ndihmojë në trajtimin e çështjeve dhe shqetësimeve të cekura më parë sidoqoftë organizatori parasheh të ofroj ndihmë të parë në raste të veçanta shëndetësore ;
- Duke bërë regjistrimin në njerën nga kategoritë e vrapimit, çdo pjesëmarrës në formë elektronike të regjistrimit online konfirmon se është në dijeni të rreziqeve ekzistuese në natyrë dhe merr rrezikun për veten e tyre ku po ashtu secili pjesëmarrës duhet cek dhe merr parasysh problemet e tij shëndetësore.
- KTRA si organizator do kujdeset që të ofroj gjithë përkrahjen në shërbimet statike apo në lëvizje ambulatore apo shëndetësore në raste të komplikimeve serioze që vijnë si pasojë e humbjes së shtegut apo lëndimit.
- KTRA do të ofroj ushqim dhe pije në 7 pika kontrolluese/freskuese gjatë tërë gjatësisë 51km dhe 4 pika kontrolluese/freskuese në distancën 27km edhe pse ne si organizues ju sugjerojmë të keni ushqimet apo suplementet e juaja personale gjatë tërë kohës.

4. DEKLARATA E PËRGJEGJËSISË

Regjistrimi vullnetar dhe pastaj pjesëmarrja në garën "Gërmia Ultra Trail" determinon ose përcakton se pjesëmarrësi është i njohur me këto rregulla si dhe pajtohet të pranojë plotësisht principet dhe rregulloret e përcaktuara këtu.

5. PAVARËSIA GJATË VRAPIMIT

Termi "i pavarur" nënkupton aftësinë e një pjesëmarrësi të varet nga vetëvetja në pothuajse çdo pjesë të garës. Përveç ushqimit dhe pijeve personale, kjo vlenë edhe për veshjet dhe pajisjet gjatë garës, duke i bërë pjesëmarrësit të aftë të përshtaten me mjedisin (temperatura të larta, frymë, mjegull, stuhi, lëndimet).

Në pikat e kontrollit/freskimit pjesëmarrësi mund të marrë ushqime të shpejta dhe ujë nga organizatorët e garës, por midis këtyre pikave, pjesëmarrësi duhet të jetë në gjendje të mbështetet në pajisjet, ushqimin dhe pijet, gatishmërinë dhe elasticitetin e tij/saj.

Pjesëmarrësit duhet të kenë përvojën për t'iu përshtatur kushteve të natyrës, ndryshimeve të pa pritura në kushtet e motit, temperaturave të larta, mjegulles, shiut, stuhive, takimeve me kafshët.

Organizatori do të shënoj rrugën në mënyrë të përshtatshme detajet në seksionin (shënjzimi i shtegut); megjithatë, pjesëmarrësit duhet të kenë një sens minimal të orientimit në natyrë.

6. SIGURIA DHE NDIHMA MJEKËSORE

Në rast të lëndimit ose ndonjë nevojë tjetër, pjesëmarrësit do të duhet të thërrasin telefonin SOS të ofruar nga organizatori.

Nëse ata janë në zonën e cila nuk mbulohet nga sinjali telefonik, ata do të duhet të përcjellin mesazhin në pikën e parë të ardhshme të kontrollit - në mënyrë që veprimet të ndërmerren sa më shpejt që të jetë e mundur.

Në secilën pikë kontrolli/freskimi organizatori do të vendos pajisjet themelore emergjente (fashë, fllaster, Jod-Betadine); këto do të jenë në dispozicion për vrapues nga vullnetarët.

Sugjerojmë që secili pjesëmarrës të ketë një pako individuale mjekësore në çantën e tij/saj: (paracetamol, fasha apo shtrëngues, jod, mbulojë izoluese termorregulluese)

Organizatori do të bëjë çmos për të zvogëluar rreziqet, sidoqoftë, me mirësi kërkojmë nga të gjithë garuesit të ndjekin këshillat dhe rekomandimet tona.

- Ne këshillojmë që çdo garues të ketë një sigurim shëndetësor.
- Ne këshillojmë rregullisht të gjithë pjesëmarrësit për të monitoruar gjendjen e tyre shëndetësore dhe gjithashtu, rekomandojmë një test stresi një muaj para ngjarjes për të përcaktuar nivelin e fitnesit/ qëndrueshmërisë për këtë lloj sporti.

Për të ruajtur sigurinë dhe shëndetin e pjesëmarrësve, ekipet mjekësore kontrolluese kanë fuqinë për të ndaluar dhe larguar një pjesëmarrës nga ngjarja nëse ata vlerësohen se nuk janë më në gjendje të vazhdojnë më tutje shkak i komplikimeve shëndetësore apo rrezikimit të shëndetit të tyre.

Nëse një pjesëmarrës i tillë nuk perfllë udhëzimet e tilla atëherë përgjegjësia mbetet mbi të njejtin sikurse pjesëmarrja në këtë garë.

Sidoqoftë, pjesëmarrësve do tu kërkohej të ndjekin udhëzimet nga koordinatori/asistentët apo vullnetarët e ngjarjes dhe ekipet mjekësore gjatë rrugës. Këta individë përkrahës do të kenë shenja identifikuese.

Çdo shkelje e këtyre udhëzimeve do të çojë në diskualifikimin e një garuesi mirëpo siç u cek më lartë nëse ai/ajo vendos të vazhdojë me çdo kusht, organizatori nuk merr përgjegjësi për efektet anësore të mundshme.

Çdo garues që ka ndonjë sëmundje ose gjendje mjekësore këshillohet që të konsultohet me një specialist për leje për të marrë pjesë në këtë garë.

7. ZBATIMI

Regjistrimi fillon më 8 prill 2019 dhe zgjat deri më 2 qershor 2019.

Nëse gara anulohet ose ndërpritet për shkak të faktorëve atmosferikë ose ndonjë faktori jashtë kontrollit të organizatorit (vis major), pjesëmarrësi është i obliguar të ecë dhe pres për ndihmë, orientim apo transport sipas udhëzimit të kontaktit emergjent që ka të shënuar në telefon dhe në fletën me numrin garues. Duhet pasur parasysh se prioritet në transport do kenë rastet më emergjente (të lënduar apo të humbur).

Anulimi për shkak të lëndimit: në rastin e lëndimeve jo kronike osteo-artikulare ose muskulare të fituara pas regjistrimit dhe jo plotësisht të shërueshme para fillimit ne rekomandojmë anulimin e pjesëmarrjes ne garën në fjalë.

8. PAJISJET OBLIGUESE DHE TË REKOMANDUARA

1. **Numri i garës:** qartë e dukshme- **OBLIGATIVE**
2. **Telefoni celular:** të ndezur tërë kohën- **OBLIGATIVE**
3. **Llamba e kokës:** për pjesëmarrësit në 51km **OBLIGATIVE**
4. **Ujë:** në shishe në një çantë të përshtatshme shpine – minimum 1 litër-**OBLIGATIVE**
5. **Mbulesa mbijetese:** për pjesëmarrësit 51km **OBLIGATIVE**
6. **Filikaqë/(Bilbil):** **OBLIGATIVE**
7. **Jakne shiu:** e përshtatshme për kushtet në mal **REKOMANDUAR**
8. **Kapelë/shallë:** **REKOMANDUAR**
9. **Krem kundër diellit:** **REKOMANDUAR**
10. **Çokollata energjike ose ushqime të ngurta të ngjajshme:** **REKOMANDUAR**
11. **Shkopinjë të ecjes:** **REKOMANDUAR**
12. **Paketa e ndihmës së parë:** **REKOMANDUAR**

Pjesëmarrësit duhet të mbajnë pajisjet **OBLIGATIVE** me vete gjatë gjithë garës. Organizatori ka të drejtë të verifikojë pajisjen **OBLIGATIVE** të pjesëmarrësve në çdo pikë kontrolli (edhe pa paralajmërim) dhe në rast të mungesës do të evidentohet si vërejtje e dhënë.

Pajisjet e deklaruara si të **REKOMANDUARA** nga organizatori nuk janë obligative për ti poseduar gjatë garës, por rekomandohet që të posedohen nga vrapuesit.

Përdorimi i shkopinjve të ecjes (hikingut) lejohet nëse pjesëmarrësi vendos të përdorë, ai / ajo duhet t'i ketë ato gjatë gjithë vrapit.

9. ÇANTA ME RROBA TË THATA - DROP BAG

Të gjithë vrapuesit do të pajisen me një qese dhe numrin garues nga organizatori. Në çantë mund ti vendosni rrobat dhe gjërat personale të cilat mund ti merrni pas përfundimit të garës dhe verifikimit të numrit garues.

Nëse nuk paraqiteni për të marrë çantën brenda 12 orëve pas garës, ajo çantë ka gjasa ti nënshtrohet shkatërrimit për shkak të arsyeve higjienike.










10. STACIONET E KONTROLLIT DHE FURNIZIMIT

Janë 7 pika të kontrollit/freskimit dhe ndihmës për vrapuesit përafërsisht në çdo 10km në garën me distancë 51km dhe 4 pika të kontrollit/freskimit dhe ndihmës për vrapuesit në garën me distancë 27km.







Në këto pika pjesëmarrësit do të skanohen (regjistrohen), si dhe do të marrin ndihmën përkatëse shëndetësore, ushqim (pemë, ushqim ëmbël/njelmët etj.), ujë dhe pije të tjera për freskim.

Kontrolli në secilën nga pikat e garave është i detyrueshëm. Kushdo që nuk shfaqet në asnjë nga pikat e kontrollit do të diskualifikohet nga gara. Vetëm pjesëmarrësit me numër garues janë të lejuar të shërbehen në këto pika kontrolluese/freskuese:

Pikat e furnizimit në garën “Gërmia Ultra Trail” në distancën prej 51km

STATION Stacionet	Description Përshkrimi	Total Dist. (KM)	Dist. to next CP (KM)	D+ Accum. (M)	D+ to next CP (M)	D- to next CP (M)	Time Limit Limiti Kohor (HRS)	Facilities Shërbimet në CP
START	Parku Gërmia	0	8.4	0	485	212		
CP1	Fshati Butovc	8.4	4.2	485	259	291		
CP2	Rruga Zllatar – Gërmi	12.7	9.8	744	295	572		
CP3	Pylli i arinjëve	22.5	7.2	1039	362	287		
CP4	Fshati Zallatar	29.8	1.9	1401	220	22		
CP5	Rruga Zllatar – Gërmi	31.7	5.6	1621	127	395	07:00	
CP6	Pylli i arinjëve	37.4	5.9	1748	447	172		
CP7	Rruga Zllatar – Gërmi	43.3	7.1	2195	265	503		
FINISH	Parku Gërmia	51	0	2460	0	0	11:00	

Pikat e furnizimit në garën “Gërmia Bear Trail” në distancën prej 27km

STATION Stacionet	Description Përshkrimi	Total Dist. (KM)	Dist. to next CP (KM)	D+ Accum. (M)	D+ to next CP (M)	D- to next CP (M)	Time Limit Limiti Kohor (HRS)	Facilities Shërbimet në Stacione
START	Parku Gërmia	0	8.4	0	485	212		
CP1	Fshati Butovc	8.4	4.1	485	259	291		
CP2	Rruga Zllatar – Gërmi	12.5	5.7	744	141	404		
CP3	Pylli i arinjëve	18.3	6	885	452	177	05:00	
CP4	Rruga Zllatar – Gërmi	24.3	2.6	1337	73	323		
FINISH	Parku Gërmia	27	0	1410	0	0	07:00	

11. AFATET KOHORE

Vrapimi 27km, afati kohor zyrtar për përfundimin e garës është 7 orë

Vetëm në pikën e kontrollit CP3 do të sigurohet transporti për ata vrapues që nuk janë në gjendje të vazhdojnë garën ose nuk kanë arritur të përbushin afatin kohor të caktuar nga organizatori.

Vrapimi 51km, afati kohor për përfundimin e garës është 11 orë

Vetëm në pikat e kontrollit CP3, CP4 dhe CP6 do të sigurohet transporti për ata vrapues që nuk janë në gjendje të vazhdojnë garën ose nuk kanë arritur të përbushin afatin kohor të caktuar nga organizatori.

12. SHENJËZIMET NË SHTEG

Shiritat me ngjyrë kuq e bardhë janë shenjat zyrtare për orientim apo shenjëzim të shtegut dhe ata do të vendosen në distancën e duhur në mënyrë që pjesëmarrësit të mos kenë probleme të mëdha me orientim.



Lejohet dhe rekomandohet përdorimi i navigacionit GPS dhe Google maps, që pjesëmarrësit do të kenë siguri shtesë në orientim.

Sidoqoftë, orientimi me GPS është orientim i përafërt për shkak të ndryshimeve të gjendjes në terren mund të bëhen rregullime të vogla në shteg, sepse ngjarja konsiderohet zyrtarisht shenja - sinjalizimi me vija të kuqe dhe të bardha.

Nëse ndonjë nga pjesëmarrësit ndahet nga grupi, vazhdon dhe humb shenjzimin është e këshillueshme që i njëjti të kthehet në pikën e fundit ku kishte një shenjë dhe nga ajo të kërkojë me kujdes shenjën në drejtim tjetër të duhur.

Duhet pasur parasysh se gjatë garës duhet futen gjithsesi në funksion edhe aftësitë mbijetuese dhe përgaditja e duhur psikologjike përveç asaj fizike sepse jo çdo gjë mund të shkojë përkyer në një terren malor ku kushtet atmosferike, terreni mund të paraqesin vështirësi të caktuara gjatë një periudhe kohore.

Në këto linqe mund të analizohet shtegu, si dhe të shkarkohen dokumentet e hartës për ti ngarkuar në telefon të mençur (përmes google maps) apo paisje të specializuar:

Shtegu i garës 51km: <https://tracedetail.fr/en/trace/trace/83372>

Shtegu i garës 27km: <https://tracedetail.fr/en/trace/trace/83373>

Gërmia Ultra Trail web: www.germiaultratrail.com

13. FOTOGRAFITË GJATË GARËS

Duke pranuar këto rregulla, secili pjesëmarrës pranon që mund të përdoret emri, fotografia në të gjitha hapësirat mediale dhe rrjetet sociale qoftë nga organizatorët apo sponsorët e kësaj gare për qëllime promovuese, si dhe heq dorë nga kërkesa e tyre për të drejtën e autorit mbi fotografitë zyrtare të garës.

Andaj, të gjitha fotografitë zyrtare të ngjarjes janë pronë e organizatorit dhe ato mund të përdoren, shfrytëzohen dhe merren pa miratimin paraprak.

14. PËRGJEGJËSIA MJEDISORE

Vrapimi malor "Gërmia Ultra Trail" do të jetë garë që kërkon poashtu një sjellje të përgjegjshme për mjedisin. Ne si organizator ju bëjmë thirrje të gjithë pjesëmarrësve, vullnetarëve dhe publikut, që të jeni jashtëzakonisht të kujdesshëm dhe të mos ndotni mjedisin përmes hedhjes apo lënies së mbeturinave apo rrobave në vende jo përkatëse.

Pjesëmarrësit të cilët kanë nevojë për hedhje mbeturinash duhet ti sjellin mbeturinat dhe ti lënë ato në pikën e ardhshme të kontrollit apo ti vendosin ato në çantat personale deri sa ta gjejnë një pikë adekuate për ti hedhur.

Le të përpiqemi që sjellja jonë të jetë një shembull për të tjerët dhe të kontribuojë që natyra dhe mjedisi të mbeten të pastërta dhe të pandotura - për ne dhe për brezat e ardhshme.

15. PËRJASHTIMI

Organizatori ka të drejtë të konsiderojë të diskualifikuar një garues në situatat e mëposhtme:

- Pjesmarrësi NUK është i regjistruar në një pikë kontrolli.
- Bën me qëllim shkurtime të rrugës gjatë shtegut.
- Nuk ndihmon një pjesmarrës që ka nevojë për ndihmë.
- Përdorur një mjet transportit gjatë shtegut, pa qenë i detyruar për shkaqe shëndetësore.
- Kundërshton kontrollet nga organizatorët gjatë vrapimit.
- Nuk posedojnë pajisje të detyrueshme ose refuzojnë ta tregojnë atë në një kontrolli të mundshëm nga vullnetarët.
- E shkel një urdhër të një personi kompetent - organizator, apo personel ndihmës mjekësore,
- Bën ndryshime në rrugë apo shenjzim duke devijuar edhe tjetrin apo grupin.

16. TË DREJTAT E ORGANIZATORIT

Organizatori rezervon të drejtën për të modifikuar dhe ndryshuar rrugën e garës, pikat e kontrollit/freskimit dhe kohën e fillimit në çdo kohë për shkak të arsyeve objektive.

Nëse ndonjë mot i padëshirueshëm, organizatori rezervon të drejtën për të bërë ndryshime në çdo pjesë të rrugës ose të anulojë garën.

Fillimi i vrapimit mund të ndryshoj për disa orë apo mund të zhvendoset për shkak të kushteve të padëshirueshme klimatike.

**KTRA, Prishtinë,
Prill 2019**



KUSH JEMI NE

Kosova Trail Running Association (KTRA) është organizatë e pavarur sportive jofitimprurës, me qëllim të:

- promovimit dhe masivizimit të vrapimit malor (trail and ultra trail-running);
- shënjimit të shtigjeve për vrapim malor dhe organizimi i garave kombëtare dhe ndërkombëtare të vrapimit malor;
- përkrahjes dhe fuqizimit të klubeve sportive dhe apo organizatave me qëllime të ngjashme;
- promovimit, masivizimit të ushtrimeve trupore të llojit 'Cross Fit' dhe pjesëmarrja në gara të tyre;
- pjesëmarrjes në gara (apo organizimi i garave) të disiplinave të ndryshme, si të: maratonave, triatlonave, maratonave të notit, çiklizëm, skijim, etj; si dhe
- promovimit dhe pjesëmarrjes në ngjitje alpine, bjeshkatari dhe ecje malore.

Aktivitetet e deritanishme të anëtarëve të KTRA:

- Në vitin 2014, pjesëmarrje në maratonën prej 42.195 KM në Budapest, Hungari;
- Në vitin 2015 në maratonën prej 42.195 KM në Stamboll, Turqi;
- Në vitin 2016 shënimi i shtegut të maratonës kombëtare të Malësisë së Gjakovës, Gjakovë – Bajram Curr;
- Në vitin 2016, pjesëmarrje në njëren prej maratonave interesante evropiane, asaj të 33 më radhë të maratonës së Vjenës;
- Në vitin 2017, pjesë u shënuan disa aktivitete si pjesëmarrje në:
 - Maratonën e Parisit,
 - Ultra-Trailin e Qipros,
 - Ultra-Trailin e Krali Marko, Maqedoni,
 - Gjysmë-maratonën e Tiranës,
 - Maratonën e Frenzes dhe
 - Maratonën Ulqin – Shkodër me rastin e festës së Flamurit.
- Po ashtu, në vitin 2017, me sukses pushtuam Everestin, Eiger, Ama Dablam dhe Jezercën.
- Organizimi i parë i vrapimit 100km "Shtegu i Shpreses-Trail of Hope" mars 2018
- Në vitin 2018 u shënuar këto aktivitete:
 - Maratona e Shkupit,
 - Vodno Matka 42km,
 - Gjysmë Maratona e Prishtinës,
 - 220km The Hidden Treasure – Albania,
 - Tirana Half Marathon,
 - Prilep Trail 110km; 90km; 67km; 32km, Maqedoni,
 - Cappadocia Ultra Trail 120km; 67km, Turqi,
 - Maratona e Pavaresisë Ulqin – Shkoder
 - Voskopoje Wolf Trail, Albania.
- Në vitin 2019:
 - Alanya Ultra Trail 77km; D+ 3800m,
 - Vodno Matka 42km; D+ 3100m,
 - Vodno Matka 26km D+ 1660m,
 - Gjysme Maratona në Vjene 21km.

KOSOVA TRAIL RUNNING ASSOCIATION

Adresa: Rr. Fehmi Agani Nr. 25/8; 10000, Prishtina, Republic of Kosovo
Tel: +383 45 280980; +383 44 965558
E-mail: kosova.trailrunners@gmail.com
Web: www.ktra-ks.com
Facebook: www.facebook.com/teamKTRA
Xhirollogaria: 1501110004110641, Raiffeisen Bank Kosovo
Nr. i regjistrimit: 5116904-2; **Nr. fiskal:** 601870795